

中冊 哀輓 雜題 投贈

古今聯語彙選補編

上海商務印書館出版

哀挽二

楊性農挽曾文正封翁聯

聞自天頒給葬錢生死哀榮感德泉壤

記破賊折損遊屐飛騰戰伐喜慰閭門

南通顧濂香先生曾沐挽張奮庵先生之尊人聯

宰相狀元生子當如吳縣太傅 讀書種

蔬治家恰遵湘鄉封翁

又商人某聯

賢令尹名狀元競爽兩佳兒負中

伊呂 布衣交通家子登堂一回首先生

有道出羲皇

姚叔節先生永概挽范肯堂先生之尊翁陸堂老

人聯

古今聯語彙選補編 哀挽二

天風海濤所會曾侍公遊當時帆影車聲

間得親耆舊 布帛菽粟之言歷開吾抱

今日杏花春雨後來哭先生

又李幼清聯

公墓與夏陽墓相鄰山水增輝一古一今

雙孝子 私諡援朱穆諡之例祖孫繼美

曰貞曰獻兩先生

宿遷王銘基景丹挽陳幹臣先生聯

憂能傷人牢落江湖頭早白 惠而好我

商量文字眼猶青

南通瞿曉巖明經長勝性肫樸家貧授徒藉從遊

以成名者無慮百數多掇巍科者而先生八膺

鄉薦不曾以章布終王介卿進士挽以聯云

悲涼悽愴不覺臨風而隕涕者 後生小

子於何攷德以問業焉

南潯劉貫經先生鏞年逾三十以業絲致富頡頏

胡葉生平尤盡力於社會及慈善事業嘗曰吾

甚怨夫多財之爲累也而施以禳之禳而效則

損患而得福不效亦減怨天地之道復必有剝

吾知其終剝而姑留餘地使徐徐剝焉猶吾治

生之術也而奚好施之足云性勤敏忠樸遇勢

要人禮而能執與儕以下之人接輸悃吐款惟

恐傷之卒年七十四温延椿聯云

生我父母知我鮑叔託仁宇四十三年老

夫耄矣 富貴不淫威武不屈休名千百

萬禩君子人與

又羅星華聯

扶節看虎阜歸來遽對維摩病榻 接武

有鳳池濟美難忘晏子楹書

又張齋庵聯

嘗從公徵年約分甲子期得二萬六千七

百旬以足 是日有好德基受九五福兼

壽富康寧考終命而全

又姪塔張迺壽聯

臨終而神明不衰憶先生十二年前語至

誠格天知祿籍可移北斗 旣耄而境遇

愈順臻洪範九五福之全英才列侍惟小

子甚愧南容

徐印香中翰恩綬爲仲可先生之先德有挽了竹

舟先生聯云

令譽擅雙丁運厄丁年庭樹分枝今半死
歲星周六甲剛先甲日拈花一笑證无
生

又俞曲園聯

雙丁久爲衆望歸大庇者士博施者民始
信居鄉三物備 二惠俄驚一个弱仔肩
有弟克家有子料應遺憾九原無

又朱一新聯

武林舊事宛委編讓公天上修文去
竹書一堂湖山萬古也算塵中享福來

又陳藍洲聯

不忤於物不屈其志蒙莊置身在通晦之

古今聯語彙選補編·哀挽二

間八千卷留貽將來更兼孝友推心流風
未沫 有弟齊名有子世家大坡說偈成
仙佛而去三萬日光陰過客徒令朋交雪
涕宿草生悲

又袁忠節爽秋聯

文瀾祕冊頓煥舊觀崇義新祠闡敷風烈
古道賴君存幾宅孤寒齊灑淚 竹閣機
舟鴻泥蘚苔草堂下楊雞黍流連卜鄰緬
夙約一甌憑弔獨傷神

原跋大丈質直好義然諾不苟曾於辛壬兵燹中
搜買四庫殘書殫極心力卒歸之祕閣蒙恩增秩
四品又手掬崇義祠於湖山之陰其他善舉書不
勝書先師子高子兩世遺孤倚以存活藏書二十

古今聯語彙選補編 哀挽二

萬嘗欲擇要刊行以惠士林今之古人也視丙寅
冬識先生於湖上癸卯丁丑兩寓竹書堂中樽酒
壺飧物簡情厚又嘗語先生他日願卜鄰借書以
資誦誦先生笑頷之今公下世祇益愴然爰書數
語醉之靈座

童錫箎挽歐松崖先生聯

瞥眼睨時流誰知此老停盃意 拊膺悲
後起深負良工鑄劍心

南通費鑑清先生啟豐居鄉有善行壬子九月卒

馮熙宇挽以聯云

我公於亂世全身病榻十年爭奈郝生常
作客 令子是吾曹畏友登樓一望可憐
王粲尙依人

四

費範九挽邵佩墀聯

中原俶擾保障一方於漢若田疇於宋若
錢鏐對圖像招魂颯颯須眉騰俠氣 老
輩凋零唏噓千古論親比袁粲論交比劉
綽撫琴尊屑涕蕭蕭風雨助悲吟

又挽楊宜之聯

平生知己二三惟納交伯子頗用入世以
自豪詎憂患相連已矣風塵同厄閨 往
歲聞公七十曾私祕誕期而不欲人之爲
壽何死生契闊哀哉松柏竟凋零

又代李沐君聯

臨危執手愴我肝脾一諾詎違心有天地
鬼神共聞此語 略分論交恃公衣食百

端常在抱願慈悲頂禮上報公恩

又挽湯書堂聯

凡民可樂成難與圖始公計四港保坍之
利乃蒙子產欲殺之讒廬舍邱墟千疊愁
心黯江上 君子必成已然後及人予觀
二方繼志之賢益嘆仲弓貽謀之遠鄉邦
杞梓百年佳氣蔚兒曹

沈道寬挽新化鄧雲衢聯

覃思詰經是專門名家學問 行素履道
垂保世滋大規模

雲衢爲鄧湘泉先生之弟遂於經學植品方正爲

李春湖侍郎程學海學使所賞拔湘泉謂此聯能

得先生之實云

古今聯語彙選補編 哀挽二

江陰胡致堯先生曾舉孝廉方正不受前年病卒

徐昂徐爾康合挽一聯云

風雲遍地高蹈絕塵庶乎爲君子矣 星
斗滿天深宵感疾豈其有鬼神耶

又沈恩孚聯

學以爲己古君子 歿可祭社鄉先生

又鄭翼堂聯

經師秦伏勝 徵士晉陶潛

又徐九鏞聯

人知清德尊曰先生家風不墜晉伯武宋
安定 片言曲直懍於刑罰鄉里如見陳
太邱王彥方

又南通師範學校聯

五

是高士傳中人至行不出鄉里 有文敬

公家法大道乃在布衣

沈笠湖先生通籍後浮沈郎署分守東郡告養旋

里主講紫琅與郡邑諸弟子談藝甚歡自訂寄

廬詩集八卷課藝二卷歿後南通顧姓谷曾恒

爲刊行之并挽以聯云

棄枝官而歸講堂校藝蕭寺裁詩沒世不

祧存手澤 爲經師以老弟子舉扶門生

衰經古人無服制心喪

侯蓮溪明經居濱東海其子小蓮將赴官浙中

猝遭大故姓谷在服中挽以聯云

筮易八月有凶恆幹遽凋竟撤琴聲捐館

去 遭喪三年不弔生芻未致難齋鏡具

越壘來

南通潘廣澤僑居如臬鄭公灘高尚不仕其子

葆之以親邁不赴試廣澤卒姓谷挽以聯云

君有碩人高蹈之賢卽今月犯少微占角

乃當謝慶緒 古者孝子遠遊爲戒念昔

星奔間道疚心彌媿庾黔婁

無錫高蘊甫先生汝璞爲忠憲公攀龍十一世孫

爲人誠篤有古人風疾革自挽云到死保全遺

體平生未有愧心孫寒厓揆均挽以聯云

享壽六三年允矣誠篤君子 自挽十二

語了然忠憲後人

又裘廷樑聯

有古人風捫心無慚清夜 惟仁者壽多

病亦享大年

又楊楚孫聯

青燈有味兒時回首師門垂卅載 黃菊

秋容老圃傷心佳節逼重陽

盧鑄挽顧勸堂先生聯

桑海幾人存自昔西臺聞慟哭 桐鄉遺

愛在至今南郡動謳思

又李樹源聯

禹穴闕靈蹤集錄成書期後起 梁園感

詞賦絃歌比戶祀先河

又歐陽昇聯

濁世掃粃糠星歸斗北昌黎在 暮年傷

板蕩賦勳江關庾信哀

古今聯語彙選補編 哀挽二

又邵啓賢聯

論東浙耆獻有章實齋李越縵餘風憑誰

收拾遺聞爲增漢學師承記 溯西江宦

遊與趙悲盦張寐老同輩剩此流傳韻事

來弔詩人主客圖

慈利熊小白君立鑑挽李達武之祖父聯云

全福備郭汾陽一身我翁獨無位以老

革命媲美意大利三傑哲孫悉有功之人

又聯

武昌革命成功喜孫輩實與 李耳大年

卽世知祖風不慚

又聯

外侮內訌翁不留老眼以看世局 孫賢

子肖人競賦招魂而弔德門

頑佛代衡陽道尹林治伯挽谷總長鍾秀之尊人

聯云

無崎行在生前能使鄉人知感戴 有榮
譽垂身後不關兒輩立功名

岳陽李洞庭君澄宇挽趙師長恒惕之父璧庸先

生聯云

聽清涼寺一百八杵鐘聲物外棲遲人道
是名利雙忘衣冠古處 望岫嶺山七十
二峯雲氣幕前慘澹却只見將軍樹大孝
子花開

錢叶秋挽安武軍第四營管帶高保真之父聯云

叢桂小山多地近淮南有高士 大旗落

日照人傳破虜是佳人

吳悔晦先生代廖素孚挽雲南唐督軍之祖父聯

云

少微處士今見謝數片月犯星躔觸景心
傷最怕過若耶山下 大樹將軍衆推馮
異一朝悲墨經撫棺腸斷何似渡漳沱河
時

西堂漫錄云吾縣唐彝仲紹裘深於經學尤精於

易張夔鈞督湘學時最重之其後張長大學延

主講席未幾謝歸館於張文達家課其少子二

十年前君主善化學堂余時在學宮與君一見

見君氣清神靜重其爲人去年於湘陰郭復初

座上見一老翁鬚眉偉然數數顧視余始知爲

君貌已衰老不復識矣不一月而君卒於家余

寄聯挽之云

別公二十年重見郭編修座中鬚髮蒼然
驚速老 知名秀才日早出張侯官門下
文章卓爾冠時賢

馮蒿厂挽寶應劉樸生先生聯

竟天天年爲善奚勸 幼罹世難雖沒猶
寧

又魏梅蓀聯

一腔熱血不知灑向何處 升天成佛還
須乘願而來

又悔存聯

在古方禹稷環顧瘡痍百萬哀鴻同胞與

古今聯語彙選補編 哀挽二

於今見夷齊寧槁首陽完全心事報平

生

凌孟靜孝廉鶴書挽蘇器甫孝廉若瑚聯

頂湖三鉢兩隻成空我猶乞食人間痛偕
從丈室分携今日沿門徒托 飛水一潭
千秋無恙君若歸來華表請自認招提署
勝不時御氣重遊

自注十年前曾偕器甫蔣彝菴九人遊頂湖山值

寺中方丈傳衣鉢竟向方丈索得三焉彝菴先逝

今器甫又逝根觸舊遊撫摩法物曷勝愴悵

寧鄉陳悔叟之喪余有聯挽之已見前集茲又從

悔叟女公子索觀挽誄諸作擇錄如後朱濂聯

云

九

讀史慕何文節之爲人想見老成志概
有子繼陳仲舉而扶漢爭傳黨籍姓名

又李原森原樞聯

自遣惟詩如公勇退知幾少 不遑將父
游子歸來別恨多

又王頌章楊華袞等聯

懷古醉餘觴揚雄宅在惟喬木 努力崇
明德陳實人傳有好兒

又粟培鈞姚聯奎等聯

逋亡時奔喪未能倉皇國事承先志 破
壤終建設伊始奠定邦基倚後賢

又周宗澤聯

生天位業尊者舊 報國功名待子孫

又鄧起樞聯

仲弓醇德苞靈曜 同甫奇才見嗣君

又柳棄疾聯

十載流離關國運 一門兒女盡人豪

又李執中聯

高節獨能完道污難褻太丘長 九州今

已定家祭應歆陸放翁

又但燾聯

生子莫聰明伯仲同爲亡命客 知公故

俠義衡湘幾許失聲人

吳淞庵挽孫太翁聯

無罣礙事無繫戀心好借青山藏傲骨
是隱君子是散神仙不開白眼看時人

劉邦霖挽李草堂聯

霖不佞甫弱冠得識先生此後幸遊鄭家
通德門哀哉無自律 子也孝由京華歸
身堂上何期起視魯國靈光殿巍然難獨
存

劉湘衢挽南通州瞿曉巖明經聯

八薦鄉闈知而未遇 一州才士多從之
遊

潘雲峯挽某君聯

大事不求知諸子聯翩皆蘭桂 晚年惟
好靜先生有道出羲皇

屠敬山挽顧姓谷聯

關隴以西失循吏 江淮之間喪大師

楊篤材挽李子梅聯

如屈如曹招魂五月五日節 日毅日達
集諡一千一百人

某挽如皋石子清先生聯

薛愼幸得與裴叔逸相交勸學敬教公有
遺訓 蘇軾以不見范仲淹爲憾嗟麟歎
鳳人之云亡

原书空白页

哀挽三

宋燕生明經衡挽瑞安孫詒讓聯

今說先行古文后立經師相攻擊如怨敵
于是尊董何者斥周禮講許鄭者非公羊
至東洋哲學西洋哲學益鮮克觀通九域
數方惟聞先生門戶不分明傳樸學 不
欲勿施以直爲報聖訓無偏畸可疵瑕奈
何譚自繇則昧它界慕兼愛則棄人權恐
北方之強南方之強皆未免過正八儒妄
有述作恨賤子風塵多病未慰殷期

原注某於光緒十有七年曾著卑識一種其中陳

古刺今閔慘俗哀婦人之處先生皆有同情又不

自量久欲述八儒原流廣陋見以張孔教嘗質此

古今聯語彙選補編 哀挽三

意於先生先生忻然勉以早成而某蕉萃風塵至

今尙未定稿先生忽焉逝矣定稿后於誰就正邪

念之鬱鬱

又聯

周官墨子學曠代一人玉海樓長對荒江

歐君父太僕公以詩古文名世提倡南
宋鄉哲之學甚力築藏書樓曰玉海

公卿之臯 吳山越水間真隱幾氏伯牙

琴忽失彈者 宋末浙中大哲鄧先生牧翁
伯牙琴一種其議論開黃氏

待訪錄 蛻鶴同悲

又聯

姬氏之功臣墨氏之鉅子華嚴宗之道學

師儒高密鄭鴻博弗如積雪壓神州更披

絕域圖書去障研求深入理 甲午哭大

僕庚子哭學士戊申又哭徵君人物穎川
荀音容俱杳沈露埋雁蕩最惜鄉邦文獻
精心搜補未終編

原注徵君父太僕公會述甌海佚聞搜緝鄉邦文
獻甚博未刊而逝徵君校補付梓未終叔父學士
公著有東甌大事記亦未梓行至可惜也南宋鄉
哲如陳葉諸公其議論皆破除門戶暗符立憲主
義與新安不合故遺書晦於近代孫氏雖極力表
章有永嘉叢書之精刊然無登高一呼之地望世
卒鮮有屬耳目者今徵君又逝鄉邦文獻之光大
益亡可期矣

蔣孟絮云仲容先生清季大儒光緒三十四年以
疾卒同郡宋明經燕生之聯述先生問學言行尤

詳明經於先生爲從妹倩常相與論議深知其微
言逸事者也

王雲悔太史客死天津陳子山先生國璋挽云

內翰春夢一場可憐無定河邊骨 黃公
酒壚千古忍聽山陽笛裏聲

某君挽蔣麟昌太史聯

一榜少年今剩我 九原才子又添君

又全質夫聯

漸看豪氣籠人上 不料英年似夢中

湯蟄仙挽李審之聯

公請先入海騎鯨亦復大快 我不幸祝

宗招鵬胡尙未來

羅有章以精研算學歿向泉挽以聯云

好亦教書病亦教書死到眉頭還不了此
生書債 今日習算明日習算熬乾心血
打錯了這個算盤

桐城張磊齋工周秦漢魏六朝書東人多以重金

易之所著四朝野史尤爲傑作歿于無錫蕩口

鎮黃石街丹徒葉中冷先生寄挽一聯云

搯衣晉謁憶春申江上姑胥臺邊嘆爲一
代書人時有墨花散蓬島 絕筆吁嗟從
黃石公遊赤松子去留得四朝野史不徒
文派接桐城

鏡夢鯨挽汪淵若太史聯

道窮身否志士灰心惟堪灑墨爲豪海內
爭看秦相篆 地老天荒詞臣白髮從此

蓋棺論定江南尙有首陽山

原注太史名洵鬻字海上歲入萬金尤以篆名國
變後署款不書民國卒於乙卯四月太史子祖桓

予女弟之夫也

李靜之先生耽飲工書垂老多病因斷飲鬻書以
自給己未春與玉虹樓主先後歸道山予挽以

聯云

庚辛間招飲於江渚小樓嚮晚以松子下
酒譚辭如雲僕嘗詫爲落落魏晉人風調
爾許 菩提法度盡這恒河沙劫西方有
藥樹長春病魔不到公肯爲了區區筆墨
債羈絆塵中

吾鄉黃旭初先生工畫以人物山水名世生平制

行不苟始客華亭令張古虞幕下張收藏甚富
盡出先世搜羅名畫俾昕夕臨撫遂深入古人
堂與先生之識張以所親曹愷堂爲之延譽也
先生以事張而張遽歿因於張靈几前具贊陳
東以追師之並以兩人有生平知己之雅作感
知圖以識不忘嗣客瑞菲侯幕下最久一時貴
人名流禮幣踵接先生未嘗爲人有所干求庚
子以後蟄居滬上鬻畫自給己巳七月以腳氣
病卒年六十五吾兄運生挽以聯云

彙筆走天下長使公卿虛左席 寫圖感
知己卽非書畫亦傳人

又聞吾兄云先生家不豐而好周人急性鯁介而
樂易卽之溫溫然其客瑞菲侯粵東齷署時有某

甲以五千金爲壽有所干乞先生怒却之遂與之
絕其事尤可稱也

里人談小蓮能文章薄宦遠遊客死塞外同人開
追悼會某君集成語爲聯云

文章憎命達 哀樂迫中年

石渚丁月湖清雋拔俗工書畫精篆刻貧哀集所
著乞南通顧姓谷曾烜製序未及作而丁逝姓
谷挽以聯云

君 結癖謝浮名惟長留翰墨人間萬庸辟舍
嗜痂索鄙製試呼取精靈紙上一諾酬

朱槐青孝廉瀛儕工詞章性嗜酒晚納一姬遺令
他去未幾孝廉亦歸道山某君挽以聯云